
Family Care Yog Dab Tsi?

Family Care yog ib txoj kev pab cuam muab tswv yim tshiab uas muab kev pab ntau yam mus ib lub sij hawm ntev (long-term care), uas tag nrho cov kev pab yog los ntawm ib qho kev pab cuam los. Xav kom to taub txog Family Care, yuav tau paub tias “Long-Term Care” yog dab tsi. Long-term care yog ib txoj kev pab los yog txhawb rau ib tug neeg uas nws muaj mob xiam oob qhab, laus lawm, los yog muaj mob tsis txawj zoo es ua rau nws ua tsis tau tej dej num niaj hnuv uas neeg keev ua lawm. Tej yam no kuj yog xws li da dej, hnav ris tsho, ua mov noj, mus ua hauj lwm, thiab them tej nuj nqis. Kuj muaj ntau yam kev pab thiab kev txhawb nyob rau hauv Family Care uas yuav pab tau cov neeg no kom lawv ua tau tej dej num no lawv tus kheej los yog tau kev pab los ntawm lwm tus.

Family Care Ua Hauj Lwm Li Cas?

Cov Neeg Tau Txais Kev Pab Tswj Cov Kev Pab Cuam.

Tej thaum ib txhia neeg kuj tsis paub hais tias lawv xav tau dab tsi kiag, los yog puas muaj kev pab lis cas, thiab yuav mus nrhiav kev pab uas yuav pab tau lawv nyob rau qhov twg. Kev nrhiav thiab tswj cov kev pab rau koj kuj tsis yooj yim. Thaum koj nyob rau ib qho kev pab hauv Family Care lawm, yuav muaj ib pab neeg nrog koj xyuas seb tej yam koj xav tau yog dab tsi thiab yuav nrog koj npaj cov kev pab hauv qhov long-term care. Koj yog ib tug yuav muab kev koom tes nyob hauv pab neeg yuav pab koj no, uas yam tsawg kawg muaj tus care manager thiab ib tug registered nurse. Koj yuav xaiv tau ib tug hauv koj tsev neeg los yog ib tug txheeb ze los koom nrog pab neeg no. Tej thaum ib txhia neeg kuj xaiv lwm cov kws ua hauj lwm, xws li tus personal care worker los yog tus tu koj, los koom nrog pab neeg no thiab. Nyob hauv Family Care, pab neeg no hu ua “interdisciplinary team.”

Cov Neeg Yuav Nrog Koom Txiaiv Txim Rau Cov Kev Pab Cuam Uas Lawv Tau Txais.

Thawj kauj ruam npaj rau cov kev pab hauv Family Care yog nrog koj pab neeg ua hauj lwm nrog koj tham seb koj xav nyob lub neej zoo li cas, seb koj xav nyob rau qhov chaw koj nyob tam sim no los yog lwm qhov, thiab tej kev pab cuam uas koj xav tau zoo li cas thiaj nyob tau raws li lub neej koj xav tau. Kauj ruam no yog kauj ruam txheeb xyuas (assessment).

Cov kev pab uas koj yuav tau txais yuav teev nyob rau hauv daim phiaj “Care Plan.” Pab neeg ua hauj lwm nrog koj yuav pab koj npaj daim phiaj no thiab nrhiav tej ntaub ntawv kom txhij es koj thiaj paub txiaiv txim txog cov kev pab cuam uas koj yuav tau txais. Koj daim phiaj pab koj (care plan) yuav pab kom koj mus txog lub hom phiaj uas koj thiab cov neeg pab koj tau xaiv nyob rau hauv qhov txheeb xyuas (assessment).

Cov Neeg Yuav Xaiv Cov Chaw Muab Kev Pab Cuam los ntawm ib qhov Comprehensive Network.

Cov tswv cuab uas tau txais kev pab hauv Family Care yuav xaiv cov chaw muab kev pab long-term care rau lawv los ntawm ib cov chaw muab kev pab ua hauj lwm ua ke “provider network.” Cov Managed Care Organizations los yog MCOs (yog cov chaw muab kev pab cuam hauv Family Care rau tib neeg) yuav tsum muaj cov chaw muab kev pab cuam rau txhua yam thiab yuav tsum muaj kom ntau txaus rau cov neeg xaiv seb lawv xav tau cov kev pab zoo li cas.

Cov Neeg Yuav Tau Txais Cov Kev Pab Los Ntawm Ib Qho Kev Pab.

Qhov mus tshawb xyuas hauv tseem fwm cov kev pab cuam kom thiaj paub seb qhov koj muaj feem tau txais kev pab thiab yuav pab them (los tsis pab) yog ib qho paub tsis meej kiag thiab laj nrhiav heev. Tiam sis qhov zoo ces yog tias Family Care yuav them rau cov kev pab mus sij hawm ntev (long-term care), uas yog npaj kom haum rau koj, los ntawm tib qho kev pab nkaus xwb.

Cov Neeg Tau Txais Cov Kev Pab Uas Ua Tau Hauj Lwm Tshwm Sim Rau lawv Raws Li Lub Siab Xav.

Qhov Family Care ua tau hauj lwm zoo yog qhov pom tau tias cov kev pab ua tau hauj lwm zoo raws li neeg lub neej xav tau los yog cov kev pab koj tau txais ntawd ua tau hauj lwm tshwm sim rau koj pom tiag. “Quality Life Outcomes” nyob hauv Family Care yog qhov tias dab tsi yog qhov tseem ceeb rau koj hauv koj lub neej.

Cov nqe lus hauv qab no yog cov hauj lwm “Quality of Life Outcomes” uas Family Care rau siab ua kom tiav tshwm sim. KOJ yog tus txiav txim seb cov nqe lus no qhov twg yog qhov muaj nuj nqis tseem ceeb rau koj thiab koj lub neej. Qhov pab kom koj mus cuag qhov koj xav tau yog lub hom phiaj ntawm Care:

- Kuv yog tus txiav txim tias yuav nyob qhov twg thiab nrog leej twg nyob.
- Kuv yog tus txiav txim txog cov kev txhawb thiab cov kev pab rau kuv.
- Kuv yog tus txiav txim seb kuv yuav ua dab tsi nyob hauv ib hnuv.
- Kuv muaj kev raug zoo nrog kuv tsev neeg thiab tej phooj ywg.
- Kuv ua yam uas tseem ceeb rau kuv.
- Kuv muaj kev koom tes nrog zej zog.
- Kuv lub neej nyob ruaj ntseg.
- Neeg yeej hwm kuv thiab lawv kuj saib kuv rau nqi.
- Kuv muaj sij hawm rau kuv tus kheej.
- Kuv muaj kev noj qab nyob zoo npaum li muaj tau.
- Kuv muaj kev nyab xeeb.
- Tsis muaj neeg tsm txom thiab tsis saib tsis xyuas kuv.